



Inatsisartunut ilaasortaq
Hans Enoksen
Partii Naleraq
/Maani

**Borgmesterit akissarsiaqartinneqarnerat pillugu § 37 naapertorlugu
apeqqummut nr. 071/2020-imut akissuteqaat**

11-05-2020
Suliap nr. 2020-8162
Dok. nr. 13713575

Asasara Hans Enoksen,

Borgmesterip tulliata aappaata akissarsiaqartinneqartarnera pillugu apeqquteqaammik Inatsisartut suleriaasianni § 37 naapertorlugu saqqummiussivutit. Apeqquteqaatit uannut akisassanngorlugu innersuunneqarpoq, taannalu tulliuttuni allassimavoq.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqu:

- 1. Kommuneni 2. Vice-borgmesterit piumaffigineqarnermikkut borgmesteri sinnerlugu ulloq ataatsimik ullut qulit sinerlugit Borgmesteritut sulisariaqaraangata angalasariaqaraangataluunniit ajunngitsorsiassaqaarnikkut inatsisitigut aaqqiiviginissaat eqqarsaatigineqarnerluni ? Taamaangippat naalakkersuisunut kaammattuutigissuarput tamanna aaqqiiviginiaqqullugu.**

Akissut:

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq innersuussutigineqarpoq.

Nalunaarummi § 3, imm. 2-imi allassimavoq:

"Borgmesterip tullia imm. 1 naapertorlugu aalajangersimasumik akissarsiaqanngitsoq piffissami borgmesteritut atuuffigisamini taamatut akissarsiaqassaaq."

Aalajangersagaq taanna aamma borgmesterip tulliata aappaanut atuuppoq. Taamaattumik borgmesterip tulliata aappaa pineqartup borgmesteritut atuunnerani piffissamut tassunga akissarsiaqartinneqassaaq.

Aalajangersakkap taassuma malinneqarnissaa kommunalbestyrelsip akisussaaffigaa.

Inussiarnersumik inuulluaqqusillunga

Kim Kielsen